



女
孝
經



服部文庫
117
98



117
98

唐鄭氏撰

女孝經

江都書肆嵩山房梓

進女孝經表

夫文開也。夫。唐朝散郎陳邈妻鄭氏上

妾聞天地之性貴剛柔焉。夫婦之道重禮義焉。仁義禮智信者是謂五常。五常之教其來遠矣。總而為主實在孝乎。夫孝者感鬼神動天地精神至貫無所不達。蓋以夫婦之道人倫之始。考其得失非細務也。易著乾坤則陰陽之制有別。禮標羔鴈則伉儷之事實陳。妾每覽先聖垂言觀前賢行

女孝經

嵩山房

事未嘗不撫躬三復歎息久之欲緬想餘
芳遺蹤可躅妾姪女特蒙天恩策爲永王
妃以少長閨闈未閑詩禮至于經誥觸事
面墻夙夜憂惶戰懼交集今戒以爲婦之
道申以執巾之禮並述經史正義無復載
乎浮詞總一十八章各爲篇目名曰女孝
經上至皇后下及庶人不行孝而成名者
未之聞也妾不敢自專因以曹大家爲主
雖不足藏諸巖石亦可以少補閨庭輒不

揆量敢茲聞達輕觸屏辰伏待罪戾妾鄭
氏誠惶誠恐死罪死罪謹言

方道... 以少長... 夫學以聚之問以辯之... 多聞闕疑可以爲人之宗矣汝能聽其言...

女孝經



曹大家間居諸女侍坐大家曰昔者聖帝
 二女有孝道降于媯汭卑讓恭儉思盡婦
 道賢明多智免人之難汝聞之乎諸女退
 位而辭曰女子愚昧未嘗接大人餘論曷
 得以聞之大家曰夫學以聚之問以辯之
 多聞闕疑可以爲人之宗矣汝能聽其言

行其事。吾為汝陳之。夫孝者廣天地厚人倫。動鬼神。感禽獸。恭近於禮。三思後行。無施其勞。不伐其善。和柔貞順。仁明孝慈。德行有成。可以無咎。書云。孝乎惟孝。友于兄弟。此之謂也。

曾大后妃章第二

大家曰。關雎麟趾。后妃之德。憂在進賢。不淫其色。朝夕思念。至于憂勤。而德教加于百姓。刑于四海。蓋后妃之孝也。詩云。鼓鐘

于宮。聲聞于外。

夫入章第三。休夫人。此曰。以事其君。故

居尊能約。守位無私。審其勤勞。明其視聽。詩書之府。可以習之。禮樂之道。可以行之。故無賢而名昌。是謂積殃。德小而位大。是謂嬰害。豈不誠歟。靜專動直。不失其儀。然後能和其子孫。保其宗廟。蓋夫人之孝也。易曰。閑邪存其誠。德博而化。

邦君章第四

非禮教之法服不敢服非詩書之法言不敢道非信義之德行不敢行欲人不聞勿若勿言欲人不知勿若勿為欲人勿傳勿若勿行三者備矣然後能守其祭祀蓋邦君之孝也詩云于以采芣于沼于沚于以用之公侯之事

庶人章第五 為婦之道分義之利先人後己以事舅姑紡績裳衣社賦蒸獻此庶人妻之孝也詩

云婦無公事休其蠶織

事舅姑章第六

女子之事舅姑也敬與父同愛與母同守之者義也執之者禮也雞初鳴咸盥漱衣服以朝焉冬溫夏清昏定晨省敬以直內義以方外禮信立而後行詩云女子有行遠兄弟父母入具限之門天之恩因之其辭三才章第七 諸女曰甚哉夫之大也大家曰夫者天也

可不務乎。古者女子出嫁曰歸。移天事夫。其義遠矣。天之經也。地之義也。人之行也。天地之性而人是則之。則天之明。因地之利。防閑執禮。可以成家。然後先之以汎愛。君子不忘其孝慈。陳之以德義。君子興行。先之以敬讓。君子不爭。導之以禮樂。君子和睦。示之以好惡。君子知禁。詩云。既明且哲。以保其身。

孝治章第八

大家曰。古者淑女。之以孝治九族也。不敢遺。年幼之妾。而况於娣姪乎。故得六親之。懽心。以事其舅姑。治家者。不敢侮於雞犬。而况於小人乎。故得上下之懽心。以事其夫。理閨者。不敢失於左右。而况於君子乎。故得人之懽心。以事其親。夫然。故生則親安之。祭則鬼享之。是以九族和平。萋菲不生。禍亂不作。故淑女。之以孝治上下也。如此詩云。不愆不忘。牽由舊章。

賢明章第九

諸女曰。敢問婦人之德。無以加於智乎。大
家曰。人肖天地。負陰抱陽。有聰明賢哲之
性。習之無不利。而況於用心乎。昔楚莊王
晏朝。樊女進曰。何罷朝之晚也。得無倦乎。
王曰。今與賢者言。樂不覺日之晚也。樊女
曰。敢問賢者誰歟。曰。虞丘子。樊女掩口而
笑。王恠問之。對曰。虞丘子。賢則賢矣。然未
忠也。妾幸得充後宮。尚湯沐。執巾櫛。備掃

除。十有一年矣。妾乃進九女。今賢於妾者
二人。與妾同列者七人。妾知妨妾之愛。奪
妾之寵。然不敢以私蔽公。欲王多見博聞
也。今虞丘子居相十年。所薦者非其子孫。
則宗族昆弟。未嘗聞進賢而退不肖。可謂
賢哉。王以告之。虞丘子不知所爲。乃避舍
露寢。使人迎孫叔敖而進之。遂立爲相。夫
以一言之智。諸侯不敢窺兵。終霸其國。樊
女之力也。詩云。得人者昌。失人者亡。又曰。

辭之輯矣。人之洽矣。昔昌夫人嘗告其女曰。一紀德行章第十。婦人當謹其風。禁大家曰。女子之事夫也。纚笄而朝。則有君臣之嚴。沃盥饋食。則有父子之敬。報反而行。則有兄弟之道。受期必誠。則有朋友之信。言行無玷。則有理家之度。五者備矣。然後能事夫。居上不驕。為下不亂。在醜不爭。居上而驕。則殆。為下而亂。則辱。在醜而爭。則乖。三者不除。雖和如琴瑟。猶為不婦也。

五刑章第十一

大家曰。五刑之屬三千。而罪莫大於妬忌。故七出之狀。標其首焉。貞順正直和柔無妬。理於幽閨。不通於外。目不徇色。耳不留聲。耳目之欲。不越其事。蓋聖人之教也。汝其行之。詩云。令儀令色。小心翼翼。古訓是式。威儀是力。廣要道章第十二。實對女容。大家曰。女子之事舅姑也。竭力而盡禮。奉

婦也。傾心而罄義，撫諸孤以仁，佐君子以智，與婦妯之言信，對賓侶之容敬。臨財廉取，與讓不為苟得。動必有方，貞順勤勞。勉其荒怠，然後慎言語，省嗜慾。出門必掩蔽其面，夜行以燭，無燭則止。送兄弟不踰于闕。此婦人之要道，汝其念之。

故乾坤交泰，誰能間之。婦地夫天，廢一不可。然則丈夫百行，婦人一志。男有重婚之義，女無再醮之文。是以芣苢興歌，蔡人作誡。匪石為歎，衛主知慚。昔楚昭王出遊，留姜氏於漸臺。江水暴至，王約迎夫人，必以符合。使者倉卒，遂不請行。姜氏曰：妾聞貞女義不犯約，勇士不畏其死。妾知不去，必死。然無符，不敢犯約。雖行之，必生無信而生。不如守義而死，會使者還取符，則水高。

臺沒矣。其守信也如此。汝其勉之。易曰。鶴鳴在陰。其子和之。

廣揚名章第十四。其風姿不夫必

大家曰。女子之事父母也。孝。故忠可移於

舅姑。事姊妹也。義。故順可移於姊妹。居家

理。故理可聞於六親。是以行成於內。而名

立於後世矣。

諫諍章第十五。人志畏古。重敬之

諸女曰。若夫廉貞孝義。事姑敬夫。揚名則

聞命矣。敢問婦從夫之令。可謂賢乎。大家

曰。定何言歟。是何言歟。昔者周宣王晚朝。

姜后脫簪珥待罪於永巷。宣王為之夙興。

漢成帝命班婕妤同輦。婕妤辭曰。妾聞三

代明王皆有賢臣在側。不聞與嬖女同乘。

成帝為之改容。楚莊王耽于遊畋。樊女乃

不食野味。莊王感焉。為之罷獵。由是觀之。

天子有諍臣。雖無道不失其天下。諸侯有

諍臣。雖無道不失其國。大夫有諍臣。雖無

諍臣。雖無道不失其家。

道不失其家士有諍友則不離於令名父
 有諍子則不陷於不義夫有諍妻則不入
 於非道是以衛女矯齊桓公不聽淫樂齊
 姜遣晉文公而成霸業故夫非道則諫之
 從夫之令又焉得為賢乎詩云猷之未遠
 是用大諫

胎教章第十六 示慈宜王鳳之風

大象曰人受五常之理生而有性習也感
 善則善感惡則惡雖在胎養豈無教乎古

者婦人妊子也寢不側坐不邊立不踈不
 食邪味不履左道割不正不食席不正不
 坐目不視惡色耳不聽靡聲口不出傲言
 手不執邪器夜則誦經書朝則講禮樂其
 生子也形容端正才德過人其胎教如此

母儀章第十七

大家曰夫為人母者明其禮也和之以恩
 愛示之以嚴毅動而合禮言必有經男子
 六歲教之數與方名七歲男女不同席不

共食八歲習之以小學十歲從以師焉出
必告反必面所遊必有常所習必有業居
不主奧坐不中席行不中道立不中門不
登高不臨深不苟訾不苟笑不有私財立
必正方耳不傾聽使男女有別遠嫌避疑
不同巾櫛女子七歲教之以四德其母儀
之道如此皇甫士安叔母有言曰孟母三
徙以教成人買肉以教存信居不卜鄰令
汝魯鈍之甚詩云教誨爾子式穀似之

舉惡章第十八

諸女曰婦道之善敬聞命矣小子不敏願
終身以行之敢問古者亦有不令之婦乎
大家曰夏之興也以塗山其滅也以妹喜
殷之興也以有莘氏其滅也以妲己周之
興也以太任其滅也以褒姒此三代之王
皆以婦人失天下身死國亡而況於諸侯
乎況於卿大夫乎況於庶人乎故申生之
亡禍由驪女愍懷之廢釁起南風由是觀

之婦人起家者有之禍於家者亦有之至
 於陳御叔之妻夏氏殺三大夫戮一子弑
 一君走兩卿喪一國蓋惡之極也夫以一
 女子之身破六家之產吁可畏哉若行善
 道則不及於此矣

女孝經 畢

跋

鄭氏女孝經十八章蓋倣今文
 孝經也其文簡而易其義精而
 粹女子讀者誠能因其言而躬
 行心得則其為孝莫有加焉惜
 也是書固經命上題終以鄭
 本邦先未刊行而寒鄉士女或

不得與斯文也故令敢句讀且
旁附書國譯遂命工鋟梓以傳
四方庶乎有小補於世也
風教之萬世皆因於其言而
寬政辛亥冬十二月其美辭而
讀乃女孝江都八竹亭林識文



女孝經證註

同 國字解

嗣出

寬政三年辛亥十二月

江都書肆嵩山房

日本橋通二丁目

小林新兵衛梓

